

melius doceri velit:) contentus ero si non verbis,
at honestis actionibus & exemplari vita omnes
convertere & ad timorem Dei adducere possim.

PRÆSTIGIARUM

A T H E I S M I

*Deprehensio & reprehensio: seu
ad superiorem Epistolam
responsio, S. P.*

Occultum istud delicti genus, quod Au-
ctor ingenue confitetur, non est adeo ab-
ditum & vulgi cognitionem refugiens, quin to-
ti mundo pateat, & veluti falsa moneta passim
jam omnibus innotuerit. Ita profectò frequens
peccati hujus usus inolevit, quod vulgò quibus-
dam *piccolo peccadillo* agnominatur, (nihil aut
non multum credere) ut jam vel in auriculari
confessione, sive per oblivionem, sive per negle-
ctum, tanquam res nullius momenti omittatur.
Nec adeo subtile ac perceptu arduum est, ut in
eo intelligendo vires mortalium fatigandæ sint,
cui percipiendo vel mediocre iudicium, modò
fit sanum, sufficit. Nec modò futilitatem erro-
ris hujus plene capere, ac meritò carpere, sed
firmamenta ejus penitus discerpere atque refel-
lere potest. Quis enim non facile animad-
vertat, non alium esse hujus doctrinæ & opi-